

萬泉縣志目錄

卷首輿圖考

縣境

縣治

學宮

公署

學堂

孤山

卷一輿地志

沿革

表附

疆域

城池

鄉鎮寺觀
集會附

公署

倉儲公
所附

山川津梁附

物產

卷二政治志

學宮

學校附

祠祀

壇壝廟
祠附

貢賦

雜稅附

戶口

里甲附

風俗

卷三政治志

職官

宦績

選舉

仕籍附

卷四人物志

鄉賢

仕蹟附

文儒

孝友

義行

卷五人物志

列女

卷六藝文志

文類

卷七藝文志

文類

卷八藝文志

詩類

卷終雜記附

陵墓

坊表

古蹟
八景附
異政

流寓

仙釋

祥異

萬泉縣志卷之五

人物下

列女

畢溥幼舊志曰婦以節烈顯生人之不幸也然倫紀綱常士大夫或挾其藩而巾幗中偏能維持之雖境遇各異顯晦攸分要皆名播幽閨風流變禩能使頑者廉懦者立未可執一格以論也攷志所載節烈如暢氏之死南康解氏之拒胎子王長女之見殺於進喜之三人者罹害捐軀義不可苟活迄今凜凜有生氣真女中烈士

夫哉此外錯節盤根柏舟自矢不以無子改其操不以遺腹變其心不以貪窶凍餒隕其志於焉顯微闡幽旌淑彰善或樹風坊表或見重鄉評所謂求什一於千百者非其人與爰取舊志所載略為筆削外其前經建坊尚未入志并近今所採訪者各摘所長撮數語為之傳至若白頭老守尋常合例之婦必一一紀其事重出疊見未免團扇放翁之譏第附諸簡末書曰某某之妻明乎從一而終亦足為風化之助焉

康氏全之女年十七適王海生子名週甫一歲海故氏奉姑育子甘貧餒不變節泰定四年旌其門

元

周氏其先上蔡人適本縣忽梁圖夫從軍江漢歿於王事氏守義撫孤年八十卒

明

史氏尚仁女適廩生楊喬喬故氏年二十四姑憐其幼諭令改嫁氏閉門自縊姑覺救護得免三年未嘗見齒姑壽九十餘不能動履者三年氏朝夕供奉終無怨言葬

姑後羣鶴繞宅人以節孝所感事聞表其門

暢氏李軌妻軌在南康氏亦死焉

牛氏適薛陵未期年陵故越三月生子誓不改嫁壽六十

無玷議

王氏庭之女適孫清生二男夫故後夫弟亦故遺一子氏撫育無異己出比長均以家業付之

賈氏一元女解文雙妻苦節七十九年壽九十七

張張氏皆宗漢女父嘗守義長適王尚志次適吳告君夫亡俱守節無玷一門節義為世所稀

李氏廩生薛應湧妻湧故氏年十八績紡事姑撫孤入泮
御史金獎之仍給粟調養焉

張氏賈勝妻勝故氏年二十三紡績教子享壽八十無議
子玉賑饑欽賜冠帶榮身

王氏資之女適庠生閻文生子憲甫三歲文故氏年二十
孝翁姑撫幼子志節堅貞

孫氏堂之女適劉仁仁故家極貧每稱貸紡績以養姑且
教子光世遊庠提學楊給匾旌之

李氏高應科妻科亡氏孝姑撫子知縣郝聞於學使獎之

衛氏董廷接妻接故氏年十八子女俱無守節六十餘年
無玷議

清

解氏聚標女年十八適北解村楊月蘭秉性貞淑動循禮
法月蘭有表姪董胎子者素往來其家一旦月蘭外賈
氏獨居胎子來夜欲污氏持板奮擲之胎子奪板還擊
身無完膚血漬牆屋間猶大呼不止胎子遂以刀斷其
喉而遁隨獲胎子誅之知縣鄭章表其瘞處曰節烈解
氏之墓為文祭之

李氏從敬女苛嵐州訓導王守身繼室也夫卒於官氏守節三十餘年撫前子特爵與生子特選特遴無異遴亡與媳張氏同撫諸孫成名曾孫友伯以明經司訓曲沃皆氏之餘蔭也

楊氏學韓女適杜茂新年十九夫故子景讓景隆俱幼氏守節五十年經兵荒不渝

賈氏大司馬仁元孫女適生員王家礪夫故二子俱幼氏年二十三貞操自勵三十餘載侍姑病數月無懈意子典庠生人以為有畫荻風

劉氏生員賈之麟妻麟故氏年十九子女俱無後生臂疾
家人請醫調理氏挺然曰寡婦之臂豈可令人見乎寧
死無醫竟以臂疾終

吳氏延祚女適生員屈愈昭夫早喪憤不欲生以翁姑年
老侍養無人撫伯翁幼子為翁嗣守節終身

王氏生員儲之女適牛拱薇年三十夫故遺四子家甚貧
氏織紡度日訓子成立長射斗早逝氏同遺妻張氏撫
二孫皆食餼稱知名士

李氏良臣女張心誠繼室事繼姑恪執婦道艱辛備嘗誠

有舅母王氏寡而亡子老無所歸李迎養二十七年如
事翁姑終於我殯誠前妻杜氏遺子甫三歲繼妻賈氏
遺子纔數月李一視撫育俱各成立兄弟同爨三十餘
年李八十七而歿

尉氏庠生延平女年十三適濟陽令薛之彬子綿瑄甫二
載綿故過三月產一兒兒多病氏撫育辛苦備至姑失
明極其孝敬父母憐其幼欲奪志以死自誓孀居八載
卒

董氏例貢珍之女適生員賈彭年係大司馬仁元之孫夫

故年少無子姑微言以試其志氏即嚙指斷髮誓不再
醮及姑老二姪俱幼氏事姑益加孝敬遇疾嘗試湯藥
撫育孤姪成名娶居五十九載

黃氏神休女適費自省年十八省故姑七旬子半歲氏孝
姑育子始終無間

王貞女齊潤坊人年十四父昌社一日與妻他出里兒薛
進喜窺其獨處往逼之女不從被殺進喜奔縣令瞿亮
邦讞其獄莫知為誰以鄰家十二歲幼女言搜得血履
襪於進喜家始擒之論辟貞女得請卹建坊旌表

賈氏順年女適趙賓周周故氏年二十子崇訓三歲崇簡
七月姑以年少子嬰使鄰嫗試之氏截指絕食姑知志
不可奪慰之使食歷艱辛者四十餘年

董氏范繼正妻年二十七夫亡子殤氏孝事翁姑備嘗艱
苦歲荒粟貴鄰女有市髮作髻者氏自翦其髮易米二
升作三炊以供翁姑膳自拾青棗剥樹皮以餬口奉養
二十年人稱節孝

姚氏適李五獻年十八獻故氏孝事翁姑教子耕讀一幼
姪孤撫之若己出姪亡遺孫甫數歲時氏已老仍扶持

成立壽逾八旬精力強健知縣瞿亮邦給匾旌之

李氏守志女適庠生薛斗仰未三歲仰故氏年二十親戚中有議再醮者拒之事翁姑盡孝訓子孫成名建坊旌表

史氏浩之女年十五適廩生范鑛夫故氏紡績度日耕讀教子苦節三十三年建坊旌表

趙氏尊周女張端凝妻年二十二守節老翁繼姑俱多病氏善事之

賈氏可興女黃廷蘭妻苦節五十餘年家甚貧鄰里諷以

意氏指一歲之孤兒汪然出涕曰有死而已建坊旌表
樊氏令德女王夢熊妻夫臨終以養親撫孤為囑氏泣誌
之歲饑賣衣釵易粟以奉翁而自食糟糠守節三十餘
年建坊旌表

薛氏光普女聶夢麟妻夫亡翦髮破面誓不再醮嘗夜有
盜氏恐翁姑遇害冒鋒刃大呼入姑室鄰舍至賊遁守
節五十二年建坊旌表

張氏三統女姚登第妻夫亡乏嗣繼姪亦早逝氏同子婦
撫育孤孫嘗戒之曰予與汝母兩世孀居為汝而已勿

隕越以貽先人羞孫由此成立建坊旌表

張氏四德女高登雲妻夫亡氏投環家人解救勸以撫孤大義遂翦髮作誓曰蕭瑟數寸髮敢與兒爭長子嘗拾金氏令償還鄉人奇之建坊旌表

王氏生員渾之女為增生甯壽域繼室生子五月夫亡撫前子如己出未就外傅氏已口授論語矣後近洛登鄉薦孫入庠苦節五十年

丁氏世觀女適光緒數月夫亡撫夫弟光祀成立氏艱辛自勵以姪休繼夫嗣矢志終身